

Brjef landshöfðingja til stiptsyfirvaldanna yfir Islandi um lántökuleyfi handa 138
prestakalli. — Í þóknanlegu brjefi, dagsettu 4. þ. m., hafið þjer, herra amtmaður, 10. sept. fyrir hönd stiptsyfirvaldanna, skýrt mjer frá því, að skilyrðum þeim fyrir láni því, er jeg með brjefi, dagsettu 30. júní þ. á., veitti prestinum að Ólafsvöllum, sjera Brynjólfi Jónssyni, til húsbyggingar á prestssetrinu, hafi eigi verið fullnægt, að því leyti sem byggingin væri með torf- og grjótveggjum á 3 vegu, í stað þess að áskilið var í lántökuleyfinu að byggt yrði timburhús, og hafið þjer lagt það til, að lántökuleyfið mætti standa óhaggad, þrátt fyrir þessi afbrigði. Enn fremur hafið þjer sent hingað erindi frá fyrnefndum presti, þar sem hann fer fram á, að sjer verði veittar 800 kr. í viðbót við hið fyrra lán til þess, að fullgjöra bygginguna, og hafið þjer látið í ljósi, að til þessa þurfi í minnsta lagi 600 kr. og mælt með því, að prestinum verði veitt þessi upphæð í viðbót við fyrra lánið.

Út af þessu skal yður hjer með þjónustusamlega til vitundar gefið til þóknanlegrar leiðbeiningar og frekari birtingar, að jeg veiti samþykki til þess, að hið fyrra lántökuleyfi standi óbreytt, þrátt fyrir afbrigði þau, er orðið hafa á byggingunni, og frá er skýrt, og að sjera Brynjólfur Jónsson fái 600 kr. lán í viðbót, þó svo að eigi verði útborgað meir en helmingur lánsius fyr en byggingin er að öllu fullgjör, og sannað er með reglulegri skoðunargjörð þar til útnefndra manna, að hún sje traust og vel vönduð.

Brjef landshöfðingja til stiptsyfirvaldanna yfir Islandi um lántökuleyfi handa 139
prestakalli. — Samkvæmt beiðni prestsins að Stóranúpi í Árnessýslu, prófasts 10. sept. Valdimars Briem og tillögum yðar, herra amtmaður og yðar, herra biskup, í þóknanlegu brjefi, dagsettu 4. þ. m., vil jeg hjermeð veita samþykki mitt til þess, að nefndur prestur taki allt að 2500 kr. embættislán uppá tekjur Stóranúpsprestakalls, til þess að byggja á prestssetrinu íbúðarhús úr timbri $17 \times 11\frac{1}{2}$ al. með kvisti, og áföstum geymsluskúr $11\frac{1}{2} \times 4\frac{1}{2}$ al. og með kjallara undir að stærð 11×4 al., járnþakið og járnvarið allt á hliðum og göflum, aðalhúsið með pappa allt um kring undir járninu, og með því fyrirkomulagi að öðru leyti, sem uppdráttur sá bendir til, er fylgdi með ofanefndu brjefi stiptsyfirvaldanna. — Ennfremur er lántökuleyfi þetta þeim skilyrðum bundið, að eigi verði útborgaður meir en helmingur lánsins fyr en sannað er með reglulegri skoðunargjörð þartil útnefndra manna, að húsið sje fullgjört, og í áskildu standi, að lánið verði ávaxtað og endurborgað af tekjum prestakallsins á 28 árum frá lántökudegi að telja með jöfnum afborgunum, að húsið með eldavjel og nauðsynlegum ofnum verði eign prestakallsins, enda mega þá niðurfalla eptirnefnd bæjarhús: baðstofa, búr, eldhús, bæjardyr, göng, skemma, smiðja, hesthús, húsa- og heygardar, að sannað sje á fulltryggjandi hátt, að húsið sje traust og vel vandað, að húsinu sje undir eptirliti prófasts haldið í eldsvoðaabyrgð fyrir 3500 krónum að minnsta kosti, og að presturinn eða dánarbú hans skili húsinu við burtför hans eða fráfall í gildu standi eða með fullu álagi.

139 Þetta er stiptsyfirvöldunum hjermed þjónustusamlega til vitundar gefið 10. sept. til þóknanlegrar leiðbeiningar og frekari birtingar, að því viðbættu, að hið umgetna lán mun geta fengið úr landssjóði.

140 **Brjef landshöfðingja til stiptsyfirvaldanna yfir Íslandi um lántökuleyfi handa** 10. sept. **prestakalli.** — Samkvæmt beiðni prestsins að Helgafelli, Sigurðar prófasts Gunnarssonar, og tillögum yðar, herra amtmaður, og yðar, herra biskup, í þóknanlegu brjefi, dagsettu 4. þ. m., vil jeg hjer með veita samþykki mitt til þess, að nefndur prófastur fái 5500 króna embættislán upp á Helgafellsprestakall, þannig að hann gegn þessari upphæð afsali til prestakallsins sem embættisbústað húseign þeirri, sem hann nýlega hefur byggt í Stykkishólmi, og sem samkvæmt nefndu brjefi stiptsyfirvaldanna er tvíloftað timburhús, 14 álna langt og 12 álna breitt, járnþakið, með átóstum skúr jafn-löngum húsinu og undir honum kjallara 6×3 álnir að stærð, og með því fyrirkomulagi að öðru leyti, sem tekið er fram í ofanefndu brjefi. Enn fremur er lántökuleyfi þetta þeim skilyrðum bundið, að haldið verði eptir af láninu 400 krónum, þar til sannað er á fulltryggjandi hátt, að allt húsið hafi verið klætt utan með bárujárni, að lánið verði ávaxtað og endurborgað af tekjum prestakallsins á 28 árum frá lántökudegi að telja með jafnri upphæð árlega, auk vaxta, að húsið með eldavjel og nauðsynlegum ofnum, svo og lóðarrjettindum þeim, sem því fylgja á hverjum tíma, verði eign prestakallsins, að sannað sje á fulltryggjandi hátt, að húsið sje traust og vel vandað, að húsinu sje undir eptirliti prófasts haldið í eldsvoðaábyrgð fyrir 6500 kr. að minnsta kosti, og að presturinn eða dánarbú hans skili húsinu við burtför hans eða fráfall í gildu standi eða með fullu álagi.

Þetta er stiptsyfirvöldunum hjermed þjónustusamlega til vitundar gefið til þóknanlegrar leiðbeiningar og frekari birtingar, að því viðbættu, að hið umgetna lán mun geta fengið úr landssjóði.

141 **Brjef landshöfðingja til sýslumannsins í Barðastrandarsýslu um skatt af** 10. sept. **húsi í verzlunarstað.** — Eptir móttöku þóknanlegs brjefs yðar, herra sýslumaður, dagsetts 28. júlí þ. á., þar sem þjer látið uppi álit yðar um fyrirspurn Markúsar kaupmanns Snæbjarnarsonar um það, hvort honum beri að greiða skatt af íbúðarhúsi sínu á Geirseyri, enda þótt hann hafi ábúð á jörðinni Geirseyri og noti íbúðarhúsið við ábúðina á jörðinni, skal yður hjer með þjónustusamlega til vitundar gefið til þóknanlegrar leiðbeiningar og birtingar fyrir nefndum kaupmanni það, sem hjer fer á eptir.

Með því að hús það, sem hjer er um að ræða, er í verzlunarstað og 1. gr. laga 14. desbr. 1877 um húsaskatt leggur með berum orðum umgetinn skatt á öll hús í kaupstöðum og verzlunarstöðum landsins, svo framarlega sem þau eru fullra 500 króna virði, sbr. einnig landshöfðingjabrjef frá 3. janúar. 1879